

Si ta mbroni kartën tuaj nga përdorimi i paautorizuar!

Meqë shumica e transaksioneve bëhen në vende publike, është e lehtë të mendosh se je i sigurtë kur bën blerje. Gjithsesi vjedhja e kartës dhe e informacionit mund të ndodhë pavarësisht nëse jeni në dijeni apo jo, nëpërmjet telefonit ose online.

Për t'u siguruar që nuk do jeni ju viktima e rradhës, zbatoni këto masa të thjeshta sigurie kur kryeni një transaksion.

Veprime që duhen bërë!

- Firmoseni kartën tuaj menjëherë. Kjo i mundëson tregtarit të krahasojë firmën tuaj me atë të kartës. Mbani me vete vetëm ato karta që ju duhen. Përpiquni të mos i mbani në kuletë por në një mbajtëse kartvizitash ose në një kuletë te posaçme të mbyllur!
- Mbani rekorde të numrave të telefonit dhe adresës së bankës. Kështu ju mund të raportoni menjëherë humbjen e kartave apo veprimet mashtruese.
- Kini vemendjen te karta gjatë një transaksioni dhe merreni sa më shpejtë të mundeni. Kjo zvogëlon mundësinë e kopjimit të kartës apo numrit të saj pa dijeninë tuaj.
- Kujdes me faturat e pasakta dhe shkatërroni të gjitha kopjet e faturave në mënyrë që të mos bien në duart e gabuara.
- Copëtoni ose prisni kartat e vjetra në vendin e numrit/chipit përpara se t'i hidhni.
- Kontrolloni rregullisht aktivitetin financiar të secilës prej llogarive tuaja bankare. Raportoni menjëherë çdo transaksion të dyshimte duke telefonuar bankën.
- Njoftoni bankën përpara se të ndryshoni adresë ose të dhënat personale.
- Sigurohuni që po përdorni një website të sigurtë përpara se të kryeni pagesa përmes internetit. Kontrolloni për një ikonë dryni në "status bar" të web-browser-it tuaj, kjo ikonë tregon se ky website është duke përdorur një teknologji enkriptimi kur transmeton të dhëna "personale".

Veprime që nuk duhen bërë!

- Mos i lini kartat tuaja në vendin e punës pa qënë vetë prezent aty. Ndodhin më shumë vjedhje kartash në vendet e punës se në çdo vend tjetër.
- Mos i lini kartat tuaja të blerjes në makinë apo mjetet e transportit. Një përqindje shumë e lartë e vjedhjes së kartave ndodh në mjetet e transportit.
- Mos ja lini askujt kartat tuaja.
- Mos firmosni kurrë një faturë të bardhë! Kur nënshkruani një faturë vendosni një vizë mbi të gjithë sipërfaqen e bardhë mbi totalin e shumës.
- Mos e shkruani kurrë numrin tuaj të kartës apo PIN –in në një kartolinë apo në sipërfaqen e jashtme të një zarfi.
- Mos e thoni kurrë numrin tuaj të kartës përmes telefonit përveç rasteve kur jeni duke telefonuar një kompani të cilës i besoni dhe ka reputacion, ose kur ju e keni marrë në telefon.
- Mos e mbani Pin-in tuaj në kuletë apo çantë dore, apo ta shkruani në kartë..